



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecumenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

Clemens Papa VIII.

**urn:nbn:de:hbz:466:1-42415**

## CLEMENS PA- PA VIII.

*Ad perpetuam rei memoriam.*

**S**acrofanctum Catholicae fidei depositum, sine quo Deo placere, aut aeternam salutem consequi nemini licet, ut saluum in Ecclesia Dei perpetuo conseruaretur, posterisque inuiolatum traderetur, pastoralis Romanorum Pontificum vigilantia, summo semper studio, & contentione laborauit. Ipsi enim a Christo Domino, huius tam pretiosi depositi auctore, & illud fideliter custodiendi, & bonum semen patrifamilias, ab inimici hominis zizanijs discernendi, & Ecclesiam salutari doctrina edificandi, praecipuam curam, summamque potestatem, in beatissimo Petro Apostolorum principe acceperunt. Quo circa sanctae memoriae Gelasius I. & Gregorius IX. alique complures Romani Pontifices, praedecessores nostri, zelo zelati pro domo Domini exercituum, ut hanc fidei Catholicae doctrinae integritatem, saluam, incorruptamque in Ecclesia Dei retinerent, Apostolici animi magnitudine, pro muro domus Israel aduersus eiusdem fidei hostes, seipos opponentes, ne illorum dolis, & insidijs imprudentes, & simpliciores homines caperentur, lumen a tenebris, praua a rectis seruauerunt, qua sequenda, quae cauenda essent, Christianis fidelibus declararunt, probatos laudabiles, orthodoxos libros, ab adulterinis, per-

nitio-

nitiosis, & apocryphis, singulari diligentia  
 distinxerunt, postremo hæreticorum impia  
 dogmata, & noxia, ac venenata scripta Cõ-  
 ciliarum decretis. Põtificijs constitutionib.  
 aut alio oportuno censura genere condem-  
 narunt. Sed cum nostris hisce calamitosis, &  
 nouissimis temporibus, antiquus humani  
 generis hostis à sua malitia nunquam rece-  
 dens, ad eandem Catholicam doctrinam, &  
 veritatem labefactandam pessimas hære-  
 ses, & detestabiles errores, aut novos con-  
 flasset, aut veteres ex inferis excitasset, sacra  
 Tridentina Synodus, pestilentem noxiorum  
 librorum copiam, quæ plus nimio excreue-  
 rat, coercere, atque auferre cupiens, primum  
 quidam doctissimos aliquot viros delegit,  
 qui de tota ea re cognoscerent, & delibera-  
 rent. deinde vero cum ij, in negotio non pa-  
 rum progressi essent, iustis de causis; eadem  
 Synodus permota, ad ipsam Apostolicam  
 Sedem, integram rem deserendam statuit. I-  
 taque fel. rec. Pius Papa quartus prædecessor  
 noster qui tunc ad Ecclesie gubernacula se-  
 debat. Prælati quibusdam doctrina, & pru-  
 dentia præstantibus, adhibitis, Indicem  
 librorum prohibitorum, & Regulas quibus-  
 dam, per suas literas, in forma Breui, pro-  
 mulgavit, & eiusmodi noxiorum librorum  
 detrimentis depellendis, opportune prouidit.  
 Caterum licet illa pro temporis ratione  
 prudenter fuerint tunc constituta, tamen cù  
 Sathanæ astutia, in huiusmodi librorum e-  
 ditione noua in dies maia cresceret (nã post  
 illud tempus, alij etiam libri perniciosi par-  
 tim conscripti, atq; editi, partim qui scripti

erant & antea delituerant, in medium prodiere, quorum lectione simpliciores, & incauti homines, in errores induci facile poterant) Propterea pia mem. Sixtus Papa V. prædecessor noster, multis illustratis, atque ad regulas adiectis necessarijs rebus, mandavit, ut nonnulli alij eiusdem generis libri, eidem Indici adderentur. Verum cum idem Sixtus, re minimè absoluta, ab humanis excesserit. Nos animarum saluti: quantum cū Domino possumus consulentes, quod iam pridè utiliter captum, & à multis diù desideratū erat, hoc tempore omnino perficiendum atque in lucem edendum duximus. Venerabili igitur fratri nostro Marco Antonio Episcopo Prænestino de Colūna, & dilectis filijs nostris Augustino Sancti Marci de Verona, Simeoni sanctæ Anastasiæ de Terra noua, Hieronymo sanctæ Mariæ super Mineruā, Asculano Frederico sanctæ Mariæ Angelorum in thesauris Borromæo, Francisco sanctæ Mariæ traspōtinæ Toletō, titulum presbyteris, nec non Ascanio sanctæ Mariæ in Cosmedin de Columna diacono, Cardinalibus, super huiusmodi Indice per nos deputatis, alijsque pijs, & eruditjs viris, in cōsiliū adhibitis, ea omnia, ac singula, quæ à Sixto Quinto, & supra diximus, instituta erant, diligenter examinandā, commissimus, quæ cum magno studio visa, ac Deo fauente, demum absolute fuerint: Nos tam eandē Pij prædecessoris Constitutionem, & Indicem, ac Regulas, quorum omnium tenores haberi volumus pro expressis, quam hæc ipsa illis addita, prout inferius descripta sunt, omnia, & singula,

gula, auctoritate Apostolica, tenore præsentii, approbamus, & præsentis scripti patrocinio communimus, atque ab omnibus; tam vniuersitatibus, quàm singularibus personis, vbique locorum existentibus sub eisdem penis in dicta Pij Constitutione contentis, obseruari præcipimus, & mandamus. Quo autem facilius negotium, cum prohibitionis, tum expurgationis, & impressionis librorum peragatur, eas omnes facultates, & priuilegia, & indulta, quæ recoli mem. Pius Quintus Magistro sacri palatii primum, deinde Gregorius decimus tertius, & Sixtus Quintus, Cardinalibus Congregationis prædictæ cõcesserunt, quorum tenores hic volumus haberi pro expressis, confirmamus, & quatenus opus est innouamus, in his omnibus, quæ additis in hoc Indice non aduersantur, volumus quæ propterea ac decernimus, vt si quæ in posterum dubitationes, aut controuersiæ circa ipsum indicem, illiusq; Regulas, aliaque illis addita emerferint, ad Congregationem supradictorum Cardinalium, seu aliorum, qui pro tẽpore super Indice huiusmodi deputati fuerint referantur, & ex sententia eorundem Cardinalium nobis, aut successoribus nostris, si rei grauitas id postulauerit. consultis declarentur. & decidantur; quorum auctoritatem, cum permittendis, tum prohibendis, expurgandis, & imprimendis libris, alijsque ad eam rem pertinentibus explicandis, volumus esse præcipuam, atque ita mandamus ab omnibus venerabilibus fratribus nostris Patriarchis, Archiepiscopis, Episcopis, alijs locorum Ordinarijs

& dilectis filijs inquisitoribus, Vniuersitati-  
 bus, Magistris, doctoribus, bibliopolis, im-  
 pressoribus, mercatoribus, gabellarijs, cate-  
 risq; omnibus cuiuscunque gradus, ordinis,  
 aut dignitatis, tam Ecclesiasticis secularibus,  
 vel regularibus quàm laicis, quocunque ho-  
 nore vel dignitate prœditi, inuolabiliter  
 obseruari. Non obstantibus Apostolicis, ac  
 in vniuersalibus, Prouincialibus, & synoda-  
 libus concilijs, editis generalibus, vel speci-  
 alibus Constitutionibus, & ordinationibus,  
 ac quibusuis statutis, & consuetudinibus et-  
 iam iuramento, confirmatione Apostolica,  
 vel quavis firmitate alia roboratis privile-  
 gijs quoque indultis, & literis Apostolicis,  
 sub quibuscunque tenoribus, & formis in  
 contrarium præmissorum concessis, confir-  
 matis, approbatis & innouatis. Quibus om-  
 nibus, & singulis etiam si pro illorum suffi-  
 cienti derogatione de illis, eorumq; totis  
 tenoribus, specialis, specifica, & ad verbum  
 inserta mentio habenda esset, tenores hu-  
 iusmodi præsentis, pro expressis habentes,  
 hac vice diuertat, specialiter, & expresse de-  
 rogamus, ceterisque contrarijs quibuscunque.  
 Decernentes eandem præsentiam exem-  
 plis, etiam impressis, Notarij publici manu  
 subscriptis, & sigillo Prælati alicuius Ecclē-  
 siastici ob signatis eandem haberi fidē, quā  
 haberentur ipsis præsentibus, si forent exhibi-  
 ta, vel ostensa. Dat. Tusculi, sub Annulo Pæ-  
 catoris, Die decima septima Octob. Millesimo  
 quingentesimo nonagesimo quinto.  
 Pontificatus nostri, anno Quarto.

*M. Vestrius Barbianus.*